

DIARII

I OTTOBRE MDXXVI. — XXVIII FEBBRAIO MDXXVII.

1 Dil mese di Octubrio 1516.

A dì primo. In Colegio. Cai di XL introno eri: sier Bernardin Badoer, sier Lorenzo Pixani qu. sier Leonardo et sier Filippo Querini, li quali cadaun di loro passano anni 60 per uno; Cai di X: sier Francesco Orio, sier Domenego Capelo qu. sier Carlo e sier Piero Mozenigo qu. sier Francesco, tutti tre nuovi e non più stati; *etiam* introno li tre Savii dil Consejo electi, et do soli ai Ordeni: sier Marco Miani et sier Giacomo da cha' Tajapiera.

Di Bassan, fo letere di sier Piero Antonio Morexini, podestà e capitano (1).

Da poi disnar fo Consejo di X *simplice* per far la soa zonta et lezer li soi ordeni: et vi fu el Principe, et feno 15 di zonta, li qual sono-questi:

Quindici di zonta al Consejo di X.

Sier Batista Morexini, fo podestà a Padoa, qu. sier Carlo.

Sier Francesco Bragadin, savio dil Consejo, qu. sier Alvise procurator.

Sier Alvise Dolfin, fo consier, qu. sier Marco.

Sier Hironimo Zustignan procurator.

Sier Domenego Beneto, fo consier, qu. sier Piero.

Sier Bernardo Barbarigo, fo consier, qu. Serenisimo.

(1) Il resto della pagina è bianco.

Sier Luca Trun, fo savio dil Consejo, qu. sier Antonio.

Sier Nicolò Bernardo, fo consier, qu. sier Piero.

Sier Piero Lando, savio dil Consejo, qu. sier Zuane.

Sier Marco Donado, fo consier, qu. sier Bernardo.

Sier Marco Bolani procurator.

Sier Zaccaria Gabriel procurator.

Sier Nicolò Michiel dotor, cavalier, procurator.

Sier Christophal Moro, fo savio dil Consejo, qu. sier Lorenzo.

Item, feno cassier, per mesi 4, sier Priamo da Leze, et sora l'artellaria sier Domenego Capello qu. sier Carlo, cao di X, el qual è stato Patron a l'arsenal.

Et li Savii reduti, benchè li do di terra ferma non introno, par sier Alvise di Prioli voy refudar, et sier Zuan Trivixan non si sente, *tamen* introe a di 3 dil presente.

Di campo, fo letere di sier Andrea Gritti procurator, provedador zeneral, date a Villafancha, a dì 29, hore 3 di note. Come, in quella matina, ricevete le letere nostre di 27: de che se seusa molto, non pol più, monsignor di Lutrech volse cussi, nè pol, per raxon li dica, farlo mover di opinion di partirsi di lo alozamento di Villafancha: et che non mancò, per loro Provedadori, avanti si levasseno di l'impresa, dimandar 1000 fanti a Lutrech per mandarli a la montagna, a li passi, dove fo mandà sier Zustignan Morexini con li fanti di visentina, et loro non fo di opinion di levarse, e non